

聖賢問答



9
8326
1



3826
1

言忠信行篤敬
雖蠻貊之邦行
言不忠信行不

敬雖州里行哉

聖賢問答序

宋

去五味均平藏

宋

語曰玉卮無當雖寶非用侈言無
驗雖麗非經有味哉此言乎今世
學者以老莊為宗而黜六經談者
以虛蕩為辨而賤名檢行身者以
放濁為道而挾節信進士者以苟
得為貴而鄙居正當官者以望空
為高而笑勤恪而倚杖虛曠依阿
無耻者名重海內由是毀譽亂於

聖賢問答 序
善惡之實矣上月先生者攝陽尼
城前執事杉山一明君義士也蓋
聞一明君嘗四諫君君雖不拒之
亦不果其事故嘆曰嗚呼三諫而
不可則去是臣道也我已四而不
得意亦已矣乎卒致仕而潛居于
幽地然君不忘其忠追賜助食固
辭不措後某侯以重祿召之不顧
焉真不仕二君之忠臣也先生志

高而不容于世及一明君卒乃辭
君之助食而周遊于四方訪名家
求益友學業不倦非所謂以老莊
爲宗而黜六經以虛蕩爲辨而賤
名檢者也今以儒醫在浪華一日
來于余舍同志相集問其道則言
語之際每引聖賢之語且誦且書
以證之書遂滿笥間日余與晏正
清亮等輯之得七十六篇分爲三

聖賢問答 卷
卷其中徃徃有問答之語因名聖賢問答孟子曰獨樂樂與人樂樂孰樂於斯乎垂不朽時天明戊申五月

東都淺草 潮田高繁謹叙

聖賢問答上卷

浪華 上月修睦 選

東都淺草 荒川清亮校

帝王

孫盛曰化合神者曰皇德合天者曰帝
帝王不以私愛害公選故仕者世祿而不
世官任之不以其賢也使之以其能也
卿大夫子弟以父兄故而見使則非公選
而政由是敗矣及周之衰小人得政視朝



廷官爵為己私援引親黨分據要途施及
童稚賢者退處華門身老而不用公道不
行然後夷狄狹侵陵國家傾覆雖有智者不
能善其後矣

古曰為天下主者天也繼天者君也君之
所司者命也為人臣而侵其君之命則不
臣為人君而假其臣以命則不君君不君
臣不臣天下所以傾也
古之聖王所以潛處重闈之內而知萬里

之情垂拱衽席之上明照八極之際者任
賢之功也

古曰聖人不能為時時至弗失舜雖賢不
遇堯也不得為天子湯武雖賢不當桀紂
不王故以舜湯武之賢不遭時不得帝王

聖賢

子順曰聖人者大賢之清者也賢人者中
人之清者也

子曰聖人吾不得而見之矣得見君子者

斯可矣

子曰若聖與仁則吾豈敢抑為之不厭誨
人不倦則可謂云爾已矣

孟子曰伯夷聖之清者也伊尹聖之任者
也桀下惠聖之和者也孔子聖之時者也

○孟子曰先聖後聖其揆一也

孟子曰聖人之行不同也或遠或近或去
或不去歸潔其身而已矣

放勳曰勞之來之匡之直之輔之翼之使

自得之又從而振德之聖人之憂民如此

而暇耕乎堯以不得舜為已憂舜以不得

禹臯陶為已憂夫以百畝之不易為已憂

者農夫也分人以財謂之惠教人以善謂

之忠為天下得人者謂之仁故以天下與

人易為天下得人難

孟子曰規矩方員之至也聖人人倫之至
也欲為君盡君道欲為臣盡臣道二者法

堯舜而已矣

孟子曰孔子登東山而小魯登大山而小天下故觀於海者難爲水遊於聖人之門者難爲言觀水有術必觀其瀾日月有明容光必照焉流水之爲物也不盈科不行君子之志於道也不成章不達孟子曰能言距揚墨者聖人之徒也古之稱聖曰仁且智又曰大而化此堯舜孔子之所專而萬世之所不可企及也此人倫之至也

聖人者人之師表也其言一言一行皆莫不可以爲天下萬世之軌則焉而或有唯聖人可行而衆人則不可行者矣孟子曰欲見賢人而不以其道猶欲其入而閉之門也夫義路也禮門也惟君子由是路出入是門也詩曰周道如底其直如矢君子所履小人所視

君子

子路問君子子曰脩己以敬曰如斯而已

乎曰脩己以安人曰如斯而已乎曰脩己以安百姓脩己以安百姓堯舜其猶病諸○子曰君子上達小人下達

子曰君子義以為質禮以行之孫以出之信以成之君子哉

子曰君子和而不同小人同而不和

子曰君子成人之美不成人之惡小人反是

子曰君子而不仁者有矣夫未有小人而

仁者也

子曰君子篤於親則民興於仁故舊不遺

則民不偷

子曰君子之於天下也無適也無莫也義

之與比

子曰君子周而不比小人比而不周

子曰君子無所爭必也躬乎揖讓而升下

而飲其爭也君子

子曰君子懷德小人懷土君子懷刑小人

懷惠

子曰君子喻於義小人喻於利

子曰君子欲訥於言而敏於行

子曰君子周急不繼富

子曰君子博學於文約之以禮亦可以弗

畔矣夫

子曰君子坦蕩蕩小人長戚戚

曾子曰可以託六尺之孤可以寄百里之

命臨大節而不可奪也君子人與君子人

也

子曰君子易事而難說也說之不以道不

說也及其使人也器之小人難事而易說

也說之雖不以道說也及其使人也求備

焉

子曰君子病無能焉不病人之不已知也

○子曰君子疾沒世而名不稱焉

子曰君子矜而不爭群而不黨

子曰君子求諸己小人求諸人

子曰君子不可小知而可大受也小人不可大受而可小知也
 子曰君子貞而不諒
 子游曰子夏之門人小子當洒掃應對進退則可矣抑末也本之則無如之何子夏聞之曰噫言游過矣君子之道孰先傳焉孰後倦焉譬諸草木區以別矣君子之道焉可誣也有始有卒者其惟聖人乎
 子貢曰君子之過也如日月之食焉過也

人皆見之更也人皆仰之
 孟子曰伯夷隘柳下惠不恭隘與不恭君子不由也
 孟子曰君子之事君也務引其君以當道志於仁而已
 孟子曰君子所以異於人者以其存心也君子以仁存心以禮存心
 小人間居為不善無所不至見君子而後厭然揜其不善而著其善人之視己如見

其肺肝然則何益矣此謂誠於中形於外故君子必慎其獨也富潤屋德潤身心廣體胖故君子必誠其意

學問

古人云學欲其正功欲其熟不可好奇特不可求捷徑水到船浮花謝子結程子曰論語孟子既治則六經可不治而明矣

又曰凡為政有才有學有才而無學則不

知為政有學而無才則不能為政古人云讀書要知作者之意所在

又曰欲觀孔子之道而不由孟子者猶渡水無舟楫豈得能濟乎

又曰孔子每教人以學文孟子專教人擴充四端之心其言若相異者何哉曰無異也蓋論語以教為主而道在其中矣孟子以明道為本而教在其中矣猶一幅之布有表裏而無精粗

古曰行之而不著焉習之而不察焉終身由之而不知其道者衆也

蓋示學者以不可執一而廢百也後世儒者必立一家宗旨以爲學問準則人亦以爲簡徑直截而不知賦道之甚此亦執一之類也

孟子曰盡信書則不如無書吾於武成取二三策而已矣

張子曰責已者當知無天下國家皆非之

理故學至於不尤人學之至也

董子曰仁人正其誼不謀其利明其道不

謀其功

維楨曰此二語孔孟以後之名言最當受

用董子之語可入孟子張子之語可入論

語

古曰詩民巷之歌謠書先王之政事易陰陽消長之變春秋魯史簡牘之本何有異但其理自深遠耳

古曰夫春秋誅心之法也

程子曰觀春秋者以傳考經之事迹以經

別傳之真偽

傳曰嗚呼聖人大訓不明於後世皆腐儒

學經不知其義者罪耳

昔韓幹好画馬所見之馬皆莫非其師夫

然後能造其妙冠絕古今古人之於道藝

皆然

古人曰唐虞三代之盛時不聞有老莊之

學後漢明帝以前又未有佛法

又曰高明而不中不得不入于異端博

學而不正亦不得不雜異端

又曰吾非斯人之徒與而誰與釋氏則不

然天上天下唯我獨尊

蓋老莊之說盛于戰國秦漢之際浮屠之

法後漢永平八年始來于漢土

或人云若老子所謂無為而自化不爭而

善勝皆不畔於吾書其所異者特矯世憤

俗之辭時有大過耳其西遊將出散關令
 或人曰周室既衰老子西遊將出散關令
 尹喜知為異人強以著書遂著上下篇五
 千餘言而去蓋下碑國秦書六經
 老子之稱經自漢景帝始也

大史公曰老子所貴道虛無因應變化於
 無為故著書辭稱微妙難識莊子散道德
 放論要亦歸之自然申子施之於名實韓
 子引繩墨切事情明是非其極慘礪少恩

皆原道德之意而老子深遠矣
 夜讀書不可過子時蓋當是時諸血歸心
 一不得睡則血耗而生病矣
 博古而不通今一病也鈞索奇僻而遺棄
 經史二病也孟子之文每一議論必引書
 或詩以證之今人為文旁採謳諺而不知
 引經是為無本之學矣
 經所傳者義也史所載者事也事有可疑
 則棄事而取義可也義有可疑則假事以

證義可也取專而無義則雖無經史亦可也
 孟子曰人之患在好為人師
 孟子曰其進銳者其退速
 子曰古之學者為己今之學者為人
 古曰博學多聞而不免於惑矣
 或曰為一時之說不顧百世之利不足學矣
 史記曰國中並立四代之學辟雍居中北

虞學東夏學西殷學是為大學又建虞庠
 於西郊夏序於列殷校於黨皆鄉學是為
 小學俱祀先聖先師冕而祭人生八歲自
 王公至庶人之子弟皆入小學
 古曰凡謂之問非有所未知必有所未安
 也
 古曰道者何也曰君之所道也君者何也
 曰群也為天下萬物而除其害者謂之君

王者何也曰往也天下往之謂之王曰善養生者故人尊之善辨治人者故人安之善設頭人者故人親之善粉飾人者故人樂之四統者具天下往之四統無一而天下去之往之謂之王去之謂之亡故道存則國存道亡則國亡

子曰人能弘道非道弘人

子曰道不遠人人之為道而遠人不可以為道詩云伐柯伐柯其則不遠

子曰道之不行也我知之矣知者過之愚者不及也道之不明也我知之矣賢者過之不肖者不及也

傳曰君子之聞道入之於耳藏之於心察之以仁守之以信行之以義出之以遜故人無不虛心而聽也小人之聞道入之於耳出之於口苟言而已

大紀曰西伯寢疾謂世子曰見善勿怠時至勿疑去非勿處此三者道之所以止也

或曰夫道通于天下達于萬世人不待由焉而不能不由之者也故一人知之而天下不能知者亦非道

古曰得道者多助失道者寡助寡助之至親戚畔之多助之至天下順之以天下之所順攻親戚之所畔故君子有不戰戰必勝矣

孟子曰民之爲道也有恒產者有恒心無恒產者無恒心苟無恒心放辟邪侈無不

爲已然後從而刑之是罔民也

聖人所以由曰道所爲曰事道猶金石一調

不更事猶琴瑟每絃改調

子夏曰雖小道必有可觀者焉致遠恐泥

是以君子不爲也

五道

子曰天下之達道五所以行之者三曰君臣也父子也夫婦也昆弟也朋友之交也五者天下之達道也知仁勇三者天下之

達德也所以行之者一也或生而知之或
學而知之或困而知之及其知之一也或
安而行之或利而行之或勉強而行之及
其成功一也

一道

子曰參乎吾道一以貫之曾子曰唯子出
門人問曰何謂也曾子曰夫子之道忠恕
而已也
古曰盡已謂之忠推已而及人謂之恕也

語不云乎有一言可以終身行之者

子曰賜也女以予為多學而識之者與對

曰然非與曰非也予一以貫之

而二道

子曰寧武子邦有道則知邦無道則愚也

其知可及也其愚不可及也

三道

子曰君子道者三我無能焉仁者不憂知
者不惑勇者不懼

曾子曰君子所貴乎道者三動容貌斯遠暴慢正顏色斯近信矣出辭氣斯遠鄙倍矣遵豆之事則有司存

三言

曾子曰君子有三言可貫而佩之一曰無內踈而外親二曰身不善而怨他人三曰患至而後呼天子貢曰何也曾子曰內踈而外親不亦反乎身不善而怨他人不亦遠乎患至而後呼天不亦晚乎詩曰啜其

泣矣何嗟及矣

三觀

子曰視其所以觀其所由察其所安人焉瘦哉人焉瘦哉

三仕

子張問曰令尹子文三仕爲令尹無喜色三已之無愠色舊令尹之政必以告新令尹何如子曰忠矣曰仁矣乎曰未知焉得仁

三知

子張問十世可知也子曰殷因於夏禮所損益可知也周因於殷禮所損益可知也其或繼周者雖百世可知也

三省

曾子曰吾日三省吾身為人謀而不忠乎與朋友交而不信乎傳不習乎

三行

子曰三人行必有我師焉擇其善者而從

之其不善者而改之

三憂

孔子曰君子有三憂弗知可無憂與知而不學可無憂與學而不行可無憂與詩曰未見君子憂心惓惓

三費

曾子曰少而學長而忘此一費也事君有功而輕負之二費也久交友而中絕之此三費也

三言三愆

孔子曰侍於君子有三愆言未及之而言謂之躁言及之而不言謂之隱未見顏色而言謂之瞽

三畏

孔子曰君子有三畏畏天命畏大人畏聖人之言小人不知天命而不畏也狎大人侮聖人之言

三思

季文子三思而後行子聞之曰再斯可矣

三端

傳曰鳥之美羽勾喙者鳥良之魚之後口垂腴者魚良之人之利口賑辭者人良之是以君子避三端避文士之筆端避武士之鋒端避辨士之舌端詩曰我友敬矣諤言其興

三變

子夏曰君子有三變望之儼然即之也溫

聽其言也厲

三疾

子曰古者民有三疾今也或是之凶也古之狂也肆今之狂也蕩古之矜也廉今之矜也忿戾古之愚也直今之愚也詐而已矣

三餘

董遇人有從學者遇不肯教而云必當先讀百遍言讀書百遍而義自見從學者云



苦渴無日遇言當以三餘或問三餘之意遇言冬者歲之餘夜者日之餘陰雨者時之餘也

三戒

孔子曰君子有三戒少時血氣未定戒之在色及其壯也血氣方剛戒之在鬥及其老也血氣既衰戒之在得

三樂

孟子曰君子有三樂而王天下不與存焉

父母俱存兄弟無故一樂也仰不愧於天
 俯不怍於人二樂也得天下英才而教育
 之三樂也君子有三樂而王天下不與存
 焉
 子曰三仁
 微子去之箕子爲之奴比干諫而死孔子
 曰殷有三仁焉

老子曰我有三寶寶而持之曰慈二曰

儉三曰不敢爲天下先慈故能勇儉故能
 廣不敢爲天下先故能成器長

三怨

狐丘丈人謂孫叔敖曰有三怨子知之乎
 孫叔敖曰何謂也對曰爵高者人妬之官
 大者主惡之祿厚者怨建之
 古曰政不可不慎也務三而已一曰擇人
 二曰因民三曰從時

四道

子曰君子之道四丘未能一焉所求乎子
 以事父未能也所求乎臣以事君未能也
 所求乎弟以事兄未能也所求乎朋友先
 施之未能也庸德之行庸言之謹有所不
 足不敢不勉有餘不敢不盡言顧行行顧
 言君子胡不慥慥爾

子謂子產有君子之道四焉其行己也恭
 其事上也敬其養民也惠其使民也義

子以四教文行忠信

子貢曰克伐怨欲不行焉可以為仁矣子
 曰可以為難矣仁則吾不知也

五道

子張問仁於孔子孔子曰能行五者於天
 下為仁矣請問之曰恭寬信敏惠恭則不
 侮寬則得衆信則人任焉敏則有功惠則
 足以使人

教道

孔子曰口欲味心欲佚教之以仁心欲安
 身惡勞教之以恭好辨論而畏懼教之以
 勇目好色耳好聲教之以義
 孟子曰君子之所以教者五有如時雨化
 之者有成德者有達材者有答問者有私
 淑艾者此五者君子之所以教也

孝道

孟懿子問孝子曰無違樊遲御子告之曰
 孟孫問孝於我我對曰無違樊遲曰何謂

也子曰生事之以禮死葬之以禮祭之以

禮

有子曰其為人也好犯上者鮮矣
 不好犯上而好作亂者未之有也君子務
 本本立而道生孝弟也者其為仁之本與
 ○孟武伯問孝子曰父母唯其疾之憂
 子游問孝子曰今之孝者是謂能養至於
 犬馬皆能有養不敬何以別乎
 子夏問孝子曰色難有事弟子服其勞有

酒食先生饌曾是以為孝乎

子曰父母之年不可不知也一則以喜一

則以懼

子曰孝哉閔子騫人不問於其父母昆弟

之言

子曰夫孝德之本也教之所由生復坐吾

語汝身體髮膚受之父母不敢毀傷孝之

始立身行道揚名於後世以顯父母孝之

終夫孝始於事親中於事君終於身立

愛親者不敢惡於人敬親者不敢慢於人

愛敬盡於事親而德教加於百姓刑于四

海蓋天子之孝也

在上不驕高而不危制節謹度滿而不溢

所以長守富貴不離其身然後能保其社

稷而和其民人蓋諸侯之孝也

非先王之法服不敢服非先王之法言不

敢道非先王之德行不敢行是故非法不

言非道不行口無擇言身無擇行言滿天

下無口過行滿天下無怨惡三者備矣然
後能守其宗廟蓋卿大夫之孝也
資於事父以事母而愛同資於事父以事
君而敬同故母取其愛而君取其敬兼之
者父也故以孝事君則忠以敬事長則順
忠順不失以事其上然後能保其爵祿而
守其祭祀蓋士之孝也
用天之道因地之利謹身節用以養父母
此庶人之孝也

故自天子已下至于庶人孝無終始而患
不及者未之有也
子曰父子之道天性君臣之義父母生之
續莫大焉君親臨之厚莫重焉不愛其親
而愛他人者謂之悖德不敬其親而敬他
人者謂之悖禮
子曰五刑之屬三千而罪莫大於不孝
子曰君子之事親孝故忠可移於君事兄
悌故順可移於長居家理故治可移於官

是以行成於內而名立於後世矣
曾子曰若夫慈愛恭敬安親揚名參聞命
矣敢問從父之令可謂孝乎子曰是何言
與昔者天子有爭臣七人雖無道不失其
天下諸侯有爭臣五人雖無道不失其國
大夫有爭臣三人雖無道不失其家士有
爭友則身不離於令名父有爭子則身不
陷於不義故當不義則子不可以不爭於
父臣不可以不爭於君故當不義則爭之

從父之令又焉得為孝乎生事愛敬死事
哀戚生民之本盡矣死生之義備矣孝子
之事親終矣

子曰舜其大孝也與德為聖人尊為天子
富有四海之內宗廟饗之子孫保之故太
德必得其位必得其祿必得其名必得其
壽

子曰武王周公其達孝矣乎夫孝者善繼
人之志善述人之事者也事死如事生事

亡如事存孝之至也

古曰不孝弟者或詈父母生子者所不能任其必孝也

古曰遺腹子不思其父無貌于心也

孟子曰世俗所謂不孝者五惰其四支不

顧父母之養一不孝也博奕好飲酒不顧

父母之養二不孝也好貨財私妻子不顧

父母之養三不孝也從耳目之欲以為父

母戮四不孝也好勇鬪狠以危父母五不

孝也

天命

子思曰至誠無息不息則久久則徵徵則

悠遠悠遠則博厚博厚則高明博厚所以

載物也高明所以覆物也悠久所以成物

也博厚配地高明配天悠久無強如是者

不見而章不動而變無為而成天地之道

可一言而盡也其為物不貳則其生物不

測天地之道博也厚也高也明也悠也久

也今夫天斯昭昭之多及其魚窮也日月
星辰繫焉萬物覆焉今夫地一撮土之多
及其廣厚載華嶽而不重振河海而不洩
萬物載焉今夫山一卷石之多及其廣大
艸木生之禽獸居之寶藏興焉今夫水一
勺之多及其不測黿鼉蛟龍魚鼈生焉貨
財殖焉詩曰維天之命於穆不已
聖人之貴知命謂安於命不趨利避害也
今人之欲知命則求趨利避害也是不謂

之知命謂之逆天

曾子曰戒之戒之出乎爾者反乎爾

鬼神

季路問事鬼神子曰未能事人焉能事鬼

敢問死曰未知生焉知死

子曰非其鬼而祭之諂也見義不為無勇

也

祭如在祭神如神在

子曰吾不與祭如不祭

史過曰國之將興明神降之監其德也將
亡神又降觀其惡也故有得神以興亦有
以亡

史囂曰吾聞之國將興聽于民將亡聽於
神神聰明正直而壹者也依人而行

宮之竒曰臣聞之鬼神非人實親惟德是
依故周書曰皇天無親惟德是輔又曰黍

稷非馨明德惟馨

古曰凡妖由人興人崇信之即本神未必

降而它鬼亦得憑藉之矣

申繻曰妖由人興也人無釁焉妖不自作
人棄常則妖興

古曰男子之錢財不用之濟貧乞而用奉
權貴者多矣婦女之錢則不用之結親友

而用媚鬼神者多矣然患難困厄權貴不
能扶也疾病死亡鬼神不能救也則亦何

益之有哉

太甲曰天作孽猶可違自作孽不可治此

之謂也

子曰鬼神之為德其盛矣視之弗見聽之不聞體物而不可貴使天下之人齊明盛服以承祭祀洋洋乎如在其上如在其左右詩曰神之格思不可度思矧可射思夫微之顯誠之不可揜如此夫

禱神

子疾病子路請禱子曰有諸子路對曰有之誅曰禱爾於上下神祇子曰丘禱久矣

○傳曰士庶人不敢以他人祖禰祭於己之寢禮也

古曰不知命則必喪死喪死則必貪生貪生則必亂於禮矣而後有容身苟免之耻而後有淫祀非望之惑苟得正而斃焉則無求矣

王孫賈問曰與其媚於奧寧媚於竈何謂也子曰不然獲罪於天無所禱也荀子曰湯旱而禱曰政不節與使民疾與

何以不雨至斯極也宮室崇與女謁盛與
 何以不雨至斯極也苞苴行與諛夫昌與
 何以不雨至斯極也
 史記曰湯見野張網四面祝曰自天下四
 方皆入吾網湯曰嘻盡之矣乃去其三面
 祝曰欲左左欲右右不用命乃入吾網諸
 侯聞之曰湯德至矣禽獸
 孟子曰西子蒙不潔則人皆掩鼻而過之
 雖有惡人齋戒沐浴則可以祀上帝

邴原嘗行而得遺錢拾以繫樹枝此錢既
 不見取而繫錢者愈多問其故答者謂之
 神樹原惡其由已而成淫祀乃辨之



聖賢問答上卷 終

